

og dásamlega er höndin sú hög
 þess hæsta máttar, er setti honum lög,
 svo lotning í brjósti manns bálar,
 það hrífur bið smæsta og hvað sem er stærst
 í hyldýpi mannlegrar sálar.

Og friðsælu dísirnar dragast í fans,
 með draumværðar englunum smáu,
 þau stíga þar léttan og líðandi dans
 of lyfta því þyngsta af hugsunum manns
 í draumsjóna hæðirnar háu,
 en ljósálfar kvika við ljósvakans blik
 þar lengst úti í vestrinu bláu.

Pá árdegissólin í austrinu sézt
 af algleymi dvalans rís fjöldinn,
 og hádegissólin hún hlúir oss bezt,
 en háttignarlegust og fegurst hún sezt,
 —og ljósið er kærast á kvöldin—
 þá brosir hún kært og hún skín þá svo skært
 og skreytir upp rökkurtjöldin.

Þú skáld, sem með hagmælsku hríſa vilt þjóð
 og hugsjónir vekja hjá lýði,
 því reynirðu aldrei að laga til ljóð,
 um þogandi, marglitað sólgeisla flóð,
 sem létt geti lúa og stríði ?
 þú syngur um ást, sem í æsku þér brást,
 en ekkert um kveldroðans prýði.

Og vinur, ef huggun og hugsvölun þarfst
 og hjarta þitt statt er í voða,
 ef ekkert þér finnst vera inndælt og bjart,
 en alt vera skuggalegt napurt og svart,
 —ef ekkert þér yndi má boða—
 seztu þá kyr fram við sólþyrgis dyr
 og sólarlags fegurð skoða..